





OFFICIA PROPRIA
SS. PATRONORUM
REGNI POLONIÆ ET
SUECIÆ EX INDULTO
SUMMORUM PON-
TIFICUM RECITANDA.
In quatuor anni partes divisa.
PARS HIEMALIS



Ex Ducali Campid. Typograp h. per
Aloysium Galler.

17-
18-
19-
20-
21-
22-
23-
24-
25-
26-
27-
28-
29-
30-
31-
32-
33-
34-
35-
36-
37-
38-
39-
40-
41-
42-
43-
44-
45-
46-
47-
48-
49-
50-
51-
52-
53-
54-
55-
56-
57-
58-
59-
60-
61-
62-
63-
64-
65-
66-
67-
68-
69-
70-
71-
72-
73-
74-
75-
76-
77-
78-
79-
80-
81-
82-
83-
84-
85-
86-
87-
88-
89-
90-
91-
92-
93-
94-
95-
96-
97-
98-
99-
100-

OFFICIA PROPRIA
RECTORUM
SUCCESSIONE
SUMMARIUM
TRICUM RECTORIA
PARS II



IN THEATRO REGIO...
ALPHONSO...

OFFICIA PROPRIA
SS. PATRONORUM
REGNI POLONIÆ ET
SUECIÆ EX INDULTO
SUMMORUM PON-
TIFICUM RECITANDA.
PARS HIEMALIS.

DIE XXX. NOVEMBRIS.

In festo S. Andreæ Apostoli, Patroni Diocesis Yarmien. Dupl. I. Classis cum Octava.

In primo Nocturno Lectiones de Epistola B. Pauli ad Romanos, ut in Breviario cum suis Responsoriis.

In secundo Nocturno.

Lectio iv. ut in Breviario, usque ad verba. Post Patras Achaiz profectus **exclusive.**

Ex actis Ecclesiarum

Achaiz.

Lectio v.

Passionem sancti Andreæ Apostoli, quam oculis nostris vidimus, omnes Presbyteri & Diaconi Ecclesiarum Achaiz scribimus. Universis Ecclesiis, quæ sunt in Oriente, & Occidente, & Meridiano, & Septentrione in Christi nomine constitutis: Pax vobis, & universis, qui credunt in unum Deum, in Trinitate perfectum. Cum Pro-Consul Ageas Patras civitatem ingressus esset, cepit compellere credentes Christo ad sacrificia idolo-

P. H.

rum. Huic occurrens sanctus Andreas, oportebat, ait, ut & tu, qui iudex esse hominum comprobaris, iudicem tuum, qui est in coelo cognosceres, & agnitum coleres, & colendo eum, qui verus Deus est, ab his, qui veri dei non sunt, animum revocares.

R. O bona crux.

Lectio vi.

Quo audito Ageas dixit: Tu es Andreas, qui destruis templa deorum, & suades hominibus supersticiosam illam sectam, quam nuper detectam, Romani Principes exterminari iusserunt? Andreas respondit: Romani Principes nondum cognoverunt hoc, quod pro salute hominum veniens Filius Dei, docuerit idola non solum deos non esse, sed esse dzmonia inimica humano generi. Ageas iratus, ista superstitiosa, & vana verba Jesus vester dum prædicaret, Iudæi illum crucis patibulo affixerunt. Andreas contra: O si velles scire mysterium crucis, quam

A

quam rationabili charitate, pulum ejus, qui pendit in te, quia amator semper tuus fui, & desideravi amplecti te.

R. Expandi manus.

In tertio Nocturno Lectiones ut in Breviario.

OFFICIUM SECUNDUM.

In primo Nocturno, Lectiones de scriptura, occurrunt.

In secundo Nocturno.

LECTIO IV.

Ageas furens iussit Andream in carcerem recludi, unde populus eum facile liberasset, nisi ipse obsticisset, vehementius rogans: ne se ad optatissimam martyrii coronam properantem impedirent. Mane facto, Ageas Apostolum ad se adduci precepit, perseverantemque in sententia flagellis cadi, & cruci affigi mandavit, ita ut ligatis pedibus ac manibus quasi in equuleo tenderetur: ne clavis affixus cito deficeret, sed potius longo cruciatus conficeretur.

R. Homo Dei.

LECTIO V.

Cum pervenisset ad locum Andreas, ubi crux parata erat, videns eam a longe, exclamavit voce magna, dicens: Salve crux, quæ in corpore Christi dedicata es, & ex membrorum ejus margaritis ornata. Antequam te ascenderet Dominus, timorem terrenum habuisti: modo vero amorem cœlestem obrinens, quanta in te gaudia habes, quanta munera præparata! Securus ergo, & gaudens venio ad te, ita ut & tu exaltans suscipias me disci-

pulum ejus, qui pendit in te, quia amator semper tuus fui, & desideravi amplecti te.

R. O bona crux.

LECTIO VI.

O bona crux, quæ decorem de membris Domini suscepisti, diu desiderata, solícite amata, sine intermissione quæsitā, & aliquando jam concupiscenti animo præparata, accipe me ab hominibus, & redde me Magistro meo, ut per te me recipiat, qui per te redemit me. Et hæc dicens expoliavit se, & vestimenta sua tradidit carnificibus. Qui accedentes levaverunt eum in crucem, & extendentes funibus totum corpus ejus (sicut eis iussum fuerat) suspenderunt.

R. Expandi manus.

In tertio Nocturno.

LECTIO sancti Evangelii secundum Matthæum.

LECTIO VII.

CAP. 4.

In illo tempore: Ambulans Jesus juxta mare Galilææ, vidit duos fratres, Simonem, qui vocatur Petrus, & Andream fratrem ejus, mittentes rete in mare. Et reliqua.

Homilia sancti Joannis Chrysostomi.

Ex Hom. 14. in cap. 4. Matthæi.

Perpende & fidem, & obedientiam vocatorum, & cognosces, quam dulcis sit piscatio: siquidem in medio ipsius operis constituti cum illum audissent jubentem, nihil distulerunt, nihil omnino cunctati sunt. Non dixerunt: Revertemur domum, loquemur propin-

quis

Festa Novembris.

quis, sed cuncta illico relinquentes, fecerunt, quod Helisæus quoque sub Helia legitur implevisse. Talem quippe à nobis obedientiam Christus efflagitat, ut neque punctum temporis differamus, etiamsi nos aliquid necessarium urgere videatur.

✠. Oravit S. Andreas.

Lectio viii.

Propter quod & alium quemdam accedentem se, & rogantem, ut ad sepeliendum patrem rediret, ne id quidem facere permisit, ostendens, quia Christus sit etiam cunctis necessitatibus præferendus. Sed diceres forsan, maxima fuisse promissa. Et hoc est, propter quod illos maxime admiror. Quia enim nondum signum aliquod factum fuisse viderunt, tamen promissionis magnitudinem crediderunt, ut etiam Christum sequi rebus omnibus anteferrent, & illis quippe ipsius, quibus capti sunt, verbis facile crediderunt, alios quoque per eandem a se capiendos.

✠. Videns crucem.

Lectio ix.

Petro igitur & Andrea hoc promisit, Jacobo vero & Joanni nihil tale pollicitus est. Siquidem obedientia præcedentium, his quoque ad credendum iter paravit. Vide autem, quam etiam diligenter inopiam eorum Evangelista signaverit: Invenit, inquit, reficientes retia sua. Tanta erat egestatis magnitudo, ut vetera contexerent, quia emere nova nequibant. Nec sane parva hæc sunt documenta virtutis, facile om-

nem tolerare pauperiem de justis laboribus vivere, mutua sibi charitate connecti, secum habere inopem patrem, atque in ejus obsequio laborare.

Te Deum laudamus.

OFFICIUM TERTIUM.

In primo Nocturno, Lectiones de scriptura occurrunt.

In secundo Nocturno.

Lectio iv.

Sancto itaque Andrea per biduum in cruce pendente, Christumque libere prædicante, omnis populus cum clamore ad domum Ægeæ vadit clamitans, virum sanctum, pudicum, ornatum moribus, doctorem bonum, pium, modestum, rationabilem, hoc minime debere pati, sed debere deponi de cruce, quia jam secunda die in cruce positus veritatem prædicare non cessaret.

✠. Homo Dei.

Lectio v.

Tunc Ægeas pavescens populum, ad crucem accessit, volens ex ea Apostolum deponere. Cui Andreas: Quid tu, inquit, Ægeas ad nos venisti? Si vis credere Christo, sicut promisi, aperietur tibi via indulgentiæ: si autem idcirco huc accessisti, ut me solvas, ego penitus ab hac cruce vivus deponi non potero: jam adoro, jam conspectui ejus assisto. Mittentes attamen ad crucem carnifices manus, non potuerunt attingere: stupebant enim brachia eorum, quicumque ea extendissent ad solvendum Apostolum.

✠. O bona crux.

✠ 2

Le.

Festa Novembris.

LECTIO VI.

Convertens igitur se ad Dominum Apostolus orabat : Suscipe me Christe, magister meus, quem dilexi, quem cognovi, quem confiteor, quem adoro, quem cernere desidero, quo sum, quod sum. Suscipe Domine Jesu Christe spiritum meum in pace, quia tempus adest, ut veniam ad te, desiderans videre te. Et cum hoc dixisset, videntibus cunctis splendor nimis circumdedit eum, ut eum oculi humani, pra claritate aspicere non valerent. Cumque dimidia hora splendor remansisset, jamque evanesceret, sanctus Andreas, una cum lumine pergens ad Dominum, beatum emisit spiritum.

3. Expandi manus.

In tertio Nocturno.

LECTIO sancti Evangelii secundum Mattheum.

LECTIO VII. Cap. 4.

In illo tempore: Ambulans Jesus juxta mare Galilae, vidit duos fratres: Simonem, qui vocatur Petrus, & Andream fratrem ejus, mittentes rete in mare. Et reliqua.

Homilia S. Bernardi Abbatis.

Ex Serm. 2. de S. Andrea post initium.

Audisti certe, cum pervenisset beatus Andreas ad locum, ubi crux parata erat, quomodo confortatus sit in Domino, & per Spiritum, quem una cum ceteris Apostolis in igneis linguis acceperat, verba certe ignea loqueretur. Videns ergo paratam eminus crucem, nequaquam facies ejus ex-

palluit, non steteret comae, aut vox faucibus haesit, non contremuit corpus, non recessit, ut assolet, intellectus, ex abundantia cordis os locutum est, & charitas, quae fervebat in corde, quasi scintillas quasdam ardentissimas emittebat in voce.

3. Oravit sanctus Andreas.

LECTIO VIII.

Quid enim beatus Andreas, cum sibi paratam, ut dixi, crucem eminus cerneret, loquebatur? O crux, inquit, diu desiderata, securus & gaudens venio ad te, ita ut & tu exultans suscipias me discipulum ejus, qui pependit in te, quia amator tuus semper fui, & desideravi amplecti te. Obsecro fratres, homo est, qui loquitur haec, an non est homo, sed Angelus, aut nova aliqua creatura? Homo plane similis nobis passibilis. Nam passibilem passio ipsa testatur, qua appropinquante, laetabundus exultat.

3. Videns crucem.

LECTIO IX.

Unde ergo in homine nova exultatio? Unde in tanta fragilitate tanta constantia? Absit ut a se ipso tantam ei credamus virtutem. Donum perfectum est a Patre luminum, ab eo utique qui fecit mirabilia magna solus. Plane Spiritus erat, dilectissimi, qui adjuvabat infirmitatem, per quem diffundebatur in corde ipsius fortis charitas ut mors, imo & fortior morte. Cujus o si & nos participes inveniamur! Ecce enim molestus est nobis

Festa Decembris.

his poenitentia onerosa, in vigiliis dormit anima nostra praetadio, non ob aliud sane, quam propter inopiam Spiritus: ipse enim si adesset, adjuvaret infirmitatem nostram. Quæramus igitur hunc Spiritum fratres, imo, ut, quem habemus, abundantius habeamus. Quicumque enim Spiritum Christi non habet, hic non est ejus.

Deum laudamus.

FESTA DECEMBRIS.

DIE IV. DECEMBRIS.

In festo S. Barbara Virginis & M. Or. propt. & Lect. ii. Noct. à S. R. C. die 22. Sept. 1733. approbatæ.

Oratio.

Intercessio, quæsumus Domine, Beatæ Barbaræ Virginis, & Martyris tuæ, ab omni nos aduersitate protegat, ut per ejus interventum, gloriosissimum Sacrosancti Corporis, & Sanguinis Domini nostri Jesu Christi Sacramentum ante diem exitus nostri, per veram poenitentiam, & puram confessionem percipere mereamur. Qui tecum vivit & regnat.

Lectio iv.

Barbara Virgo Nicomedensis Dioscori nobilis, sed superstitioni hominis, filia, per ea, quæ visibilia, Divina opitulante gratia, facile pervenit. Quapropter soli Deo, rebusque Divinis vacare coepit. Eam Pater, utpote forma venustiore nitentem, à quocumque virorum occursum tutari cupiens, turri includit, ubi

pia Virgo meditationibus & precibus addicta, soli Deo, quem sibi in sponsum delegerat, placere studebat. Oblata à Patre pluries nobilium connubia fortiter sprexit; pater vero per sui absentiam filia animam posse facilius emolliiri confidens, jussit primo balneum extrui, ne quid ei deesset ad commoditatem: deinde peregre in exteras regiones profectus est.

Lectio v.

Absente Patre, jussit Barbara duabus fenestris, quæ in turri erant, tertiam addi, in honorem Divinæ Trinitatis, labiumque balnei sacrosanctæ crucis signum muniri; quod ubi rediens Dioscorus inspexit, audita novitatis causa, adeo in filiam excanduit, ut stricto ense eam appetens parum abfuerit, quin eam dire confoderet: sed præsto adfuit Deus; fugienti Barbaræ saxum ingens se patefaciens, viam aperuit, per quam montis fastigium petere, & in specu latere potuit; sed paulo post, cum à nequissimo genitore reperta fuisset, ejus latera pedibus, dorsumque pugnis immaniter percussit, & crinibus per loca aspera, difficilesque vias rapratam Marciano Prædici puniendam tradidit.

Lectio vi.

Itaque ab ipso omnibus modis, sed incassum tentatam, nudam nervis cædi, & infligta vulnera testulis conficari, deinde in carcerem trahi præcepit, ubi immensa luce circumdatus

Festa Decembris.

6
ei Christus apparens mirifice confortatam in passionum tolerantia confirmavit: quod advertens Juliana matrona ad fidem conversa, ejusdem palmarum particeps effecta est. Barbararum demum ferreis unguibus membra laniantur, facibus latera incenduntur, & malleolis caput contunditur: quibus in cruciatibus consortem consolabatur, & hortabatur, ut ad finem usque constanter certaret. Præcis tandem utrique uberibus, nudæ per loca publica tractæ, capite plectuntur. Filiaque cervicem ipse sanctissimus Pater humanitatis expertis propriis amputavit manibus; cujus fera crudelitas non diu inulta remansit, nam statim eo ipso in loco fulmine percussus interiit.

In tertio Nocturno.

Lectio sancti Evangelii secundum Matthæum.

Lectio vii. Cap. 25.

IN illo tempore: Dixit Jesus Discipulis suis parabolam hanc: simile erit regnum Cælorum decem virginibus, quæ accipientes lampades suas exierunt obviam sponso, & sponsæ. Et reliqua.

Homilia sancti Joannis Chrysostomi.

Homilia 79. in Matthæum circa medium.

Post ingentes labores, post incredibiles sudores, & aterrimas pugnas, post trophæa, quæ de naturæ rabie statuerunt, resurgunt cum dedecore, & lampadibus earum extinctis, terram aspicientes recedunt. Nihil sane tenebrosius est, quam

virginitas oleo carens; unde sic vulgo multi immiserordes tenebrosos solent appellare. Quid igitur ex virginitate lucrata sunt, quæ nec sponsum quidem viderunt, nec saltem ad pulsandum usque pervenerunt, sed terribile illud verbum audire: Abite nescio vos?

Hæc est virgo sapiens.

Lectio viii.

Quod cum ipse dixerit: nihil aliud, quam gehenna & intolensibilis cruciatus relinquitur; imo vero etiam gehenna istud verbum gravius est; hoc verbum operantibus etiam iniquitatem dixit: Vigilate, quia nescitis diem, neque horam. Crebro id repetit, ut ignorantiam exitus ab hac vita utilem esse ostendat. Ubi sunt ergo, qui per totam vitam desidia torpescunt, & quando à nobis admonentur, respondere non dubitant: orania se pauperibus moriendi tempore relicturos?

Media nocte.

Lectio ix.

Audiant hæc verba, & emendent se; multi enim abeundi tempus expectantes, ira repente rapti sunt, ut nec injungere suis quidquam potuerint. Sed hæc quidem parabola ejus elemosynæ gratia, quæ cum pecunia conficitur, dicta est. Cur autem hæc parabola sponsum adducit? Ut videas, quantum virginibus Christus afficitur iis, quæ sua pauperibus erogant, hæc enim & vera virginitas est. Nam & Paulus huic rei hanc descriptionem attribuit dicens:

Festa Decembris.

cens : Innupta sollicita est de iis , quæ Domini sunt , ut sit sancta corpore , & spiritu.

Te Deum laudamus.

DIE X. DECEMBRIS.

Officium in festo Translationis Almar Domus B. Mariæ Virginis. Duplex majus.

Ad Vesperas , Antiphona.

Domum tuam , cum reliquis de Laudibus , infra Psalm. Dixit Dominus. cum reliquis ut in Officio parvo B. Mariæ V.

Capitulum Eccli. 24. b

In omnibus requiem quæsi , & in hereditate Domini morabor. Tunc præcepit & dixit mihi Creator omnium , & qui creavit me , requievit in tabernaculo meo.

Hymnus. Ave maris stella. prout in Offic. parvo B. Mariæ V.

✠. Hæc est domus Domini firmiter ædificata.

✠. Bene fundata est supra firmam petram.

Ad Magnificat , Antiphona.

Sanctificavit Dominus tabernaculum suum : quia hæc est domus Dei , in qua invocabitur nomen ejus , de quo scriptum est : & erit nomen meum ibi , dicit Dominus.

Oratio.

Deus , qui Beatæ Mariæ Virginis domum per incarnati verbi mysterium misericorditer consecrasti , eamque in sinu Ecclesiæ tuæ mirabiliter collocasti ; concede , ut segregati à tabernaculis peccatorum , digni efficiamur habitatores do-

mus sanctæ tuæ. Per eundem Dominum.

Et non sit Commem. Off. Concur.

Ad Matutinum. Invitator.

Salvatorem mundi in domo Virginis de Spiritu Sancto conceptum , ✠ Venite : adoremus.

Psalmus. Venite exultemus.

Hymnus. Cœlestis Urbs Jerusalem , prout in festo dedicationis Ecclesiæ.

In primo Nocturno, Ant. Elevata est magnificentia tua super cœlos.

Psalm. Domine Dominus noster , cum reliq. prout in Offic. parvo B. M. V.

Ant. In sole posuit tabernaculum suum , & Ipse tanquam sponsus procedens de thalamo suo.

Ant. Quis ascendet in montem Domini? aut quis stabit in loco sancto ejus? innocens manibus , & mundo corde.

✠. Domum tuam Domine decet sanctitudo.

✠. In longitudinem dierum , ater noster.

P

De libro tertio Regum.

Lectio I. Cap. 8. c

Stetit autem Salomon ante altare Domini in conspectu Ecclesiæ Israel , & expandit manus suas in cœlum , & ait : Ergone putandum est quod vere Deus habitet super terram? si enim cœlum , & cœli cœlorum te capere non possunt , quanto magis domus hæc , quam ædificavi? Sed respice ad orationem servi tui , & ad preces ejus , Domine Deus meus : audi hymnum

A 4

&

Festa Decembris.

& orationem, quam servus tuus orat coram te hodie: ut sint oculi tui aperti super domum hanc nocte ac die: super domum, de qua dixisti: Erit nomen meum ibi: ut exaudias deprecationem servi tui, & populi tui Israel, quodcumque oraverint in loco isto; & exaudies in loco habitaculi tui in caelo, & cum exaudieris, propitius eris.

Vidi speciosam sicut columbam, ascendentem de super rivos aquarum; cuius inestimabilis odor erat nimis in vestimentis ejus: Et sicut dies verni circumdabant eam flores rosarum, & lilia convallium.

Quae est ista, quae ascendit per desertum sicut virgula fumi, ex aromatibus myrrhae & thuris? Et sicut.

Lectio ii.

Si fugerit populus tuus Israel inimicos suos (quia peccaturus est tibi) & agentes poenitentiam, & confitentes nomini tuo venerint, & oraverint, & deprecati te fuerint in domo hac; exaudi in caelo, & dimitte peccatum populi tui Israel, & reduces eos in terram, quam dedisti patribus eorum. Si clausum fuerit caelum, & non pluerit propter peccata eorum, & orantes in loco isto, poenitentiam egerint nomini tuo, & a peccatis suis conversi fuerint, propter afflictionem suam; exaudi eos in caelo, & dimitte peccata servorum tuorum, & populi tui Israel: & ostende eis viam bonam, per quam ambulent, & da pluviam super terram tuam,

quam dedisti populo tuo in possessionem.

Quae est ista, quae ascendit sicut aurora confurgens, pulchra ut luna, electa ut sol, & Terribilis ut castrorum acies ordinata?

Filia Sion tota formosa, & suavis es, pulchra ut luna, electa ut sol. Terribilis.

Lectio iii.

Si quis cognoverit plagam sordis sui, & expanderit manus suas in domo hac, tu exaudies in caelo in loco habitationis tuae, & reprospiciaberis, & facies, ut des unicuique secundum omnes vias suas, sicut videris cor ejus (quia tu nosti solus cor omnium filiorum hominum) ut timeant te cunctis diebus, quibus vivunt super faciem terrae, quam dedisti patribus nostris. Insuper & alienigena, qui non est de populo tuo Israel, cum venerit de terra longinqua propter nomen tuum, (audietur enim nomen tuum magnum, & manus tua fortis, & brachium tuum extensum ubique) cum venerit ergo, & oraverit in hoc loco; tu exaudies in caelo, in firmamento habitaculi tui, & facies omnia, pro quibus invocaverit te alienigena: ut discant universi populi terrarum nomen tuum timere, sicut populus tuus Israel, & probent, quia nomen tuum invocatum est super domum hanc.

Quae est ista, quae processit sicut sol, & formosa tanquam Jerusalem?

Viderunt eam filiae Sion, & beatam dixerunt, & Reginae laudaverunt eam.

Et

Festa Decembris.

Et sicut dies verni circumdabant eam flores rosarum & lilia convallium. Viderunt.

Gloria Patri. Viderunt.

In secundo Nocturno.

Añ. Diffusa est gratia in labiis tuis, propterea benedixit te Deus in æternum, & in sæculum sæculi.

Añ. Sanctificavit tabernaculum suum Altissimus.

Añ. Homo natus est in ea, & ipse fundavit eam Altissimus.

Domine dilexi decorem domus tuæ.

Et locum habitationis gloriæ tuæ.

Pater noster.

Sermo Sancti Bernardi Abbatis.

Sermone 32. de divers.

Lectio iv.

Sapientia, quæ Dei erat, & Deus erat, de sinu Patris ad nos veniens ædificavit sibi domum, ipsam scilicet Matrem suam Virginem Mariam, in qua septem columnas excidit. Quid est in ea septem columnas excidere, nisi ipsam dignum sibi habitaculum fide & operibus præparare? nimirum ternarius numerus ad fidem propter Sanctam Trinitatem, quaternarius pertinet ad mores propter quatuor principales virtutes. Quod autem in beata Maria Sancta Trinitas fuerit, fuerit dico per præsentiam maiestatis, ubi solus Filius erat per susceptionem humanitatis, testatur Nuntius celestis, qui ei arcana mysteria referans, ait: Ave gratia plena, Dominus tecum; & post pauca: Spiritus

Sanctus superveniet in te, & virtus Altissimi obumbrabit tibi. Ecce habes Dominum, habes virtutem Altissimi, habes Patrem, Filium & Spiritum Sanctum.

O quam metuendus est locus iste! Vere non est hic aliud, nisi domus Dei, & porta cœli.

Hæc est domus Domini summiter ædificata, bene fundata est supra firmam petram. Vere non.

Lectio v.

Utrum autem, & quatuor principales virtutes, tanquam quatuor columnas possederit, inquisitione dignum videtur. Primum ergo videamus, an fortitudinem habuerit, quæ nimirum virtus quomodo illi abesse potuit, quæ abjectis sæcularibus pompis, spreisque voluptatibus carnis, soli Deo in virginitate vivere proposuit? Ni fallor, hæc Virgo est, quæ apud Salomonem legitur: Mulierem fortem quis inveniet? procul, & de ultimis finibus pretium ejus. Porro, quod temperans, & iusta fuerit, ex Angeli colloquutione, & sui ipsius responsione, lucidius comprobamus. Salutata quippe tam venerabiliter ab Angelo: Ave gratia plena, Dominus tecum; non se extulit, quasi quæ ex singulari gratiæ privilegio benediceretur; sed siluit, & qualis esset insolita hæc salutatio, secum cogitavit. Qua in re, quid, nisi temperans fuit? At vero, cum de celestibus mysteriis ab eodem Angelo doceretur, diligenter quæsit, quomodo

A ;

con-

conciperet, & pareret, quæ virum utique non cognosceret; & in hoc sine dubio prudens exitit.

Fundata est domus Domini supra verticem montium, & exaltata est super omnes colles. Et venient ad eam omnes gentes, & dicent: Gloria tibi Domine.

Venientes autem venient cum exultatione, portantes manipulos suos. Et venient.

Lectio vi.

Iustitiæ autem præfertur insigne, ubi se ancillam Domini constituitur; nam quod iustorum sit confessio, testatur qui ait: Verum tamen iusti confitebuntur nomini tuo. Fuit igitur Beata Virgo Maria fortis in proposito, temperans in silentio, prudens in interrogatione, iusta in confessione. His itaque quatuor morum columnis, & tribus fidei prædictis extruxit in ea sibi domum Sapientia cœlestis, quæ adeo mentem ejus replevit, ut de plenitudine mentis fecundaretur & caro. Ipsius autem Virginis natalis domus divinis mysticis consecrata, Angelorum ministerio ab infidelium potestate in Dalmatiam prius, deinde in Agrum Lauretanum Picenæ Provinciæ translata fuit, sedente Sancto Cœlestino quinto; eandemque ipsam esse, in qua verbum Caro factum est, & habitavit in nobis, tum Pontificis diplomaticis, & celeberrima totius Orbis veneratione, tum continua miraculorum vir-

tute & cœlestium beneficiorum gratia comprobatur. Quibus permotus Innocentius duodecimus, quo ferventius erga Matris amantissimæ cultum Fidelium memoria excitaretur, ejusdem sanctæ domus Translationem anniversaria solemnitate in tota Piceni Provincia veneratam, Missa etiam, & Officio proprio celebrari præcepit.

Domus mea domus orationis vocabitur, dicit Dominus; in ea omnis, qui petit, accipit; & qui querit, invenit. Et pulsanti aperiatur.

Petite, & accipietis; querite, & invenietis. Et pulsanti.

Ans. Tollite hostias, & introite in atria ejus, adorate Dominum in aula Sancta ejus.

Ans. Cantate Domino canticum novum, quia mirabilia fecit Dominus, Alleluja.

Domum tuam Domine decet sanctitudo.

In longitudinem dierum, Pater noster.

In tertio Nocturno.

Lectio sancti Evangelii secundum Lucam.

Lectio vii. Cap. i.

In illo tempore: Missus est Angelus Gabriel à Deo in Civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis Maria. Et reliqua. Homilia Sancti Bernardi Abbatis.

Ex Homil. 3. super Missus
est.

QUæ est hæc Virgo tam venerabilis, ut salutetur ab Angelo: tam humilis, ut desponsata sit tabro? Pulchra permixtio virginitatis, & humilitatis, nec mediocriter placet Deo illa anima, in qua & humilitas commendat virginitatem, & virginitas exornat humilitatem! sed quanta, putas, veneratione digna est, in qua humilitatem exaltat fecunditas, & partus consecrat virginitatem? Audis virginem, audi humilem? laudabilis virtus virginitas, sed magis necessaria humilitas; illa consulitur, ista precipitur.

* Diffusa est gratia in labiis tuis: * Propterea benedixit te Deus in æternum.

* Myrrha, & gutta, & casta à vestimentis tuis, à domibus eburneis, ex quibus te delectaverunt filii Regum in honore tuo. Propterea.

Ex Homil. 2. super eodem loco.

Lectio viii.

Missus est, inquit, Angelus ad Virginem; virginem mente, virginem professione, virginem denique, qualem describit Apostolus, mente & corpore sanctam, nec noviter, nec fortuito inventam, sed à sæculo electam, ab Altissimo præcognitam, & sibi præparatam, ab Angelis servatam, à Patribus præfiguratam, à Prophetis promissam, ut pauca loquar de pluribus, quam sibi aliam prædixisse Deus videretur, quando

ad serpentem ait: Inimicitias ponam inter te, & mulierem? Et si adhuc dubitas, an de Maria dixerit, audi, quod sequitur: Ipsa contingeret caput tuum: cui hæc servata victoria est, nisi Mariæ?

* Beata es Virgo Maria, Dei Genitrix, quæ credidisti Domino, perfecta sunt in te quæ dicta sunt tibi; ecce exaltata es, super choros Angelorum: * Intercede pro nobis, ad Dominum Deum nostrum.

* Ave Maria, gratia plena, Dominus tecum. Intercede.

Gloria Patri. Intercede.

Ex Homil. 3. super eodem loco.

Lectio ix.

ET ingressus Angelus ad eam, dixit: Ave gratia plena, Dominus tecum. Quo ingressus ad eam? Puto in Sacrarium pudici cubiculi, ubi illa fortassis clauso super se ostio orabat Patrem in abscondito. Solent Angeli assistere orantibus, & delectari in his, quos vident levare puras manus in oratione. Holocaustum Sanctæ devotionis gaudent se offerre Deo, in odorem suavitatis. Mariæ autem orationes quantum placuerint in conspectu Altissimi, Angelus indicavit, qui ingressus ad eam tam reverenter salutavit.

Te Deum laudamus.

AD LAUDES,
& per horas Anæ.

Domum tuam Domine decet sanctitudo in longitudinem dierum.

Psalm. Dominus regnavit. cum reliquis de Dominica.

Ana.

Añs. Domus mea, domus orationis vocabitur; in ea omnis, qui perit, accipit; & qui quaerit, invenit; & pulsanti aperietur.

Añs. Propter domum Domini Dei nostri quazsivi bona tibi.

Añs. Domine Deus exaltasti super terram habitationem meam.

Añs. Domum maiestatis meae, & locum pedum meorum glorificabo.

Capitulum. In omnibus requiem, ut supra.

Hymnus. Alto ex Olympi. prout in Festo Dedicationis Ecclesiae.

Ps. Introibimus in tabernaculum eius.

Ps. Adorabimus in loco, ubi steterunt pedes ejus.

Ad Benedictus, Antiphona. Ecce tabernaculum Dei cum hominibus, & habitabit cum eis, & ipsi populus ejus erunt, & ipse Deus cum eis erit eorum Deus.

Oratio. Deus, qui Beatae Mariae Virginis, ut supra.

Ad Primam in Ps. breviter dicitur: Qui natus es de Maria Virgine.

Ad Tertiam, Antiphona. Domus mea.

Capitulum. In omnibus requiem quazsivi, ut supra.

Ps. breve. Hic domus Dei est, * Et porta caeli. Hic domus.

Ps. Et vocabitur aula Dei. Et porta.

Gloria Patri. Hic domus.

Ps. Domine dilexi decorem domus tuae.

Ps. Et locum habitationis gloriæ tuae.

Ad Sextam, Antiphona. **Añs.** Propter domum Domini.

Capitulum. Eccli. 24. b. **E**t hic in Sion firmata sum, & in civitate sanctificata similiter requievi, & in Ierusalem potestas mea. Et radicavi in populo honorificato, & in parte Dei mei hereditas illius, & in plenitudine Sanctorum detentio mea.

Ps. breve. Domine * Dilexi decorem domus tuae. Domine.

Ps. Et locum habitationis gloriæ tuae. Dilexi.

Gloria Patri. Domine.

Ps. Domum tuam. Domine decet sanctitudo.

Ps. In longitudinem dierum.

Ad Nonam, Antiphona. Domum maiestatis meae.

Capitulum. Eccli. 24. b.

In plateis sicut cinnamomum & balsamum aromatizans odorem dedi; quasi myrrha electa dedi suavitatem odoris.

Ps. breve. Domum tuam Domine, * Decet sanctitudo.

Ps. Domum.

Ps. In longitudinem dierum. Decet sanctitudo.

Gloria Patri. Domum.

Ps. Hic domus Dei est, & porta caeli.

Ps. Et vocabitur aula Dei.

In ii. Vesperis, omnia ut in primis, præter Antiphonam sequentem.

Ad Magnificat, Antiphona.

O quam metuendus est locus iste! vere non est hic aliud, nisi domus Dei, & porta caeli.

Oratio ut supra.

FESTA JANUARIi.

DIE XIX. JANUARIi.

In festo sancti Henrici
Episcopi & Martyris. Dupl.
Omnia de Comuni unius
Martyris, præter ea, quæ
sequuntur.

Ad Magnificat, Antiphona.

Gloriosum Pontificem Hen-
ricum, post multiplicem
virtutem, qua floruit, per
mortem, quam sustinuit,
victorem vexit hodie Chri-
stus in templum gloria.

Oratio.

Omnipotens sempiternæ
Deus, qui beato Hen-
rico Martyri tuo atque Pon-
tifici, glorioso martyrii
triumpho, largitus es. pal-
mam, ejus quæsumus, me-
ritis & precibus gratiam
nobis largiaris & gloriam.
Per Dominum.

In primo Nocturno Lectio-
nes. A Mileto.

In secundo Nocturno.
Ex Scripturis rerum
Suecicarum.
Lectio iv.

Regnante in Suecia sancto
Rege Erico, Henricus
ex Anglia oriundus, vitæ
sanctitate, & morum hone-
state clarus, atque propterea
à Rege specialis familiarita-
tis gratia honoratus, Upsa-
lensem regebat Ecclesiam.
Quibus quasi duobus lumi-
naribus, populus terræ
illius ad veri Dei noti-
tiam magis ac magis illustra-
batur. Adificabatur tum
crescens in timore Dei Ec-
clesia, justitiæque & pax
inter subditos propaga-
batur, cum Rex sedens in
folio, intuitu suo orane

malum dissiparet, & bonus
pastor super custodiam gre-
gis sui sedulo vigilaret.

¶ Omnes gentes jubilate,
Deo cœli exultate, gaudeat
Finlandia, læti Deum col-
laudate, * Et Henrici ce-
lebrate læta natalitia.

¶ Hic effulsit honestate
morum, verbi veritate, vitæ
sanctimonia. Et Henrici.

Lectio v.

Cum vero plebs Finlan-
diæ, tunc à vero Deo
aliena, incolis Sueciæ gravia
damna frequenter inferret,
sanctus Ericus Rex, assumpto
secum beato Henrico Upsa-
lensi Episcopo, collectoque
exercitu, contra Christi &
populi sui inimicos expedi-
tionem fecit. Quibus fidei
Christi & suo subjugatis
dominio, baptizatis pluri-
mis, & fundatis ibi Eccle-
siis, in Sueciam cum glo-
riosa victoria rediit. Beatus
vero Henricus, ad irrigandas
imbres cœlestis doctrinæ no-
vellas plantulas, & corro-
borandum Dei cultum, in
partibus illis remansit, non
metuens se quibuslibet ad-
versis exponere, ut possit
Dei gloriam dilatare.

¶ Sanctus cujusdam impii
redarguit sævitiam, ut reus
homicidii subiret poenitem-
tiam, * Et poenitens
flagitii consequeretur veni-
am.

¶ Qui salubris remedii
sprevit infelix gratiam. Et
poenitens.

Lectio vi.

Eo igitur ædificationi &
confirmationi Finlan-
densium Ecclesiæ prudenter
& fideliter insistente, acci-
dit, ut quidam homicidii

reus *

reus ad eum deferretur. Quem ob ipsius facinoris immanitatem, cum Ecclesiastica disciplina corrigere vellet, vir ille sanguinum, salutis remedium contemnens, in ministrum iustitiæ & suæ salutis zelatorem manus iniecit, ipsumque crudeliter trucidavit. Sic Sacerdos Domini, acceptabilis hostia divinis oblata conspectibus, occumbens pro iustitia, templum supernæ Jerusalem feliciter intravit. Cujus sanctitatem Deus, cum celeri vindicta, quæ impium parricidam consecuta est, tum beneficiis multis ad memoriam ejus exhibitis, illustravit.

Impoenitens malitiæ vir sanguinum, Ecclesiæ despecta disciplina, in ministrum iustitiæ serox furit, & rabie hunc occidit ferina.

Sic cum palma victoriæ præsul intravit hodie palatia divina. In ministrum.

Gloria Patri. In ministrum.

In tertia Nocturna. Lectio sancti Evangelii secundum Matthæum.

Lectio vii. Cap. 16. In illo tempore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Et reliqua.

Homilia S. Joannis Chrysostomi.

Hom. 16. in Matthæum.

Si quis vult, sive vir, sive mulier, sive princeps, sive subditus; hanc viam ingrediatur. Et sermo quidem unum quid significare videtur, tria vero continet:

abnegationem tui ipsius, & ut crucem accipias, & tertio, ut Christum sequaris. Quotum duo conjuncta sunt: unum per seipsum separatim ponitur. Si enim intelligis, quid sit alium abnegare, tunc recte percipies, quid sit abnegare teipsum. Quæ alium jam abnegavit, fratrem puta, aut servum aut quemvis alium; si cædi eum virgis videat, si arceri in vinculis, quidquid aliud pati eum conspexerit; non occurrit, non auxiliatur, non flectitur, nec prorsus illo modo movetur, ceu ille, qui penitus ab illo alienatus est.

Imitator Salvatoris, vigilanter populis veram fidem Creatoris prædicans incredulis. Ut præclari sol fulgoris lucem dedit sæculis.

Glorioso jam laboris fructu gaudet, & honoris insignitur titulis. Ut præclari.

Lectio viii.

Si igitur nullo pacto nos corpori parcere nostro vult, ut neque si cæditur, neque si pellitur, neque si uritur, nec si quid aliud hujusmodi patitur, ei parcamus. Quid dixi: Non parcamus; cum id profecto sit vere parcere? Nam etiam tunc patres filiis maxime parcant, cum magistris atque doctoribus tradentes, maxime rogant, ne parcant. Sic igitur Christus non dixit tantum: Non parcas; sed significantius ac expressius: Denega teipsum, pericula subi, certaminibus te offer; & quasi alius hoc patiat, sic efficiare. Nec dixit, neget; sed

sed abneget; ut hac adiunctiuncula plurimum addat: cum abnegare multo plus quam negare profecto fit.

84. O vita commendabilis, o mors desiderabilis, propter quam venerabilis hic Pontifex fit similis, *85.* In gloria Sanctorum.

86. Commenda nos amabilis Pater, & honorabilis martyr Regi coelorum. In gloria. Gloria Patri. In gloria.

Lectio ix.

Et tollat crucem suam. Nam ne quis putet, ad verba usque tantummodo, ac contumelias, & opprobria abnegationem hanc sui fieri oportere, id subiunxit, ut videas abnegandos nos esse usque ad mortem turpissimam: quam designans, non dixit, abneget seipsum usque ad mortem; sed tollat crucem suam, non semel nec bis, sed continuo per totam vitam, hanc tecum mortem circumferas, & continuo ad necem paratissimus sis. Et sequatur me. Ne credas ipsius passionis naturam per se sufficere, causam ejus subiecit. Quam? Ut quæ dicta sunt universa faciens atque patiens, ipsum sequaris: ut scilicet propter ipsum omnia sustineas, atque omnem virtutis numerum habeas. Is enim Christum sequitur, qui non in periculis modo fortitudinem adhibet, sed modestiam, sed humilitatem, & omne sublimioris Philosophiae genus complectitur. *87.* e Deum laudamus.

88. Benedictus, Antiphona. Christi pugil eximius, & Pontifex egregius, in hac

Festa Januarii.

die celestia triumphator ad gaudia introivit feliciter, Deo fruens perenniter.

In secundis Vesperis, Ad Magnificat, Antiphona. Christe virtus pugnantium, corona triumphantium, nos praesens post exilium Henrici per suffragium perduc ad perpes gaudium, quo tecum semper omnium gaudet cœtus fidelium.

DIE XXIII. JANUARI.

In festo Translationis S. Eriici Regis & Martyris. Duplex.

Omnia de Communi unius Martyris, præter ea, quæ sequuntur.

Ad Magnificat, Antiphona. Ave Martyr pretiose, miles Christi gloriose, ave Regum gloria, o Eriice Rex Suecorum! posce nobis peccatorum veniam, & gaudia.

Oratio.

Praesta quæsumus omnipotens Deus; ut qui beati Eriici martyris tui Translationem colimus, intercessionem ejus in tui nominis amore robaremur. Per Dominum.

In primo Nocturno, Lectiones de scriptura occurrunt.

In secundo Nocturno. De sermone S. Ambrosii Episcopi.

In Natali SS. Nazarii & Celsi.

Lectio ix.

Immensa Dei nostri pietas, multiplex ad bonitatem, & artifex ad salutem, proponens arduam virtutum palmam, raro appetitore pretiosam, in paucorum triumphis plurimorum commodis prospicit. Illorum liquidem merita, nostra vult

Festa Februarii.

vult esse suffragia: simulque dum nobis fidem veram duro martyrii agone commendat, afflictionem præcedentium, instructionem efficit posteriorum. Quanta est erga nos Dei nostri sollicitudo! Illos examinat, ut nos erudiat; illos conterit, ut nos acquirat; eorumque cruciatus nostros vult esse profectus.

Lectio v.

Merito ergo eos colimus, qui periculis suis pugnant, & nostris utilitatibus militant; qui per lucis vitæque contemptum edocent nos, quantum Deo nostro debeamus affectum. Novissimus itaque, quia non sine magno discrimine de religionis veritate dubitamus, quam tantorum sanguine confirmatam videmus. Magni periculi res est, si post Prophetarum oracula, post Apostolorum testimonia, post Martyrum vulnera, veterem fidem, quasi novellam discutere præsumas, & post morientium sudores otiosa disputatione contendas.

Lectio vi.

Veneremur ergo in sanctorum Martyrum gloria fidem nostram. Quomodo fidem nostram? Ab istis enim dum mortis tolerantia indubitanter excipitur, spes immortalitatis evidenter asseritur. Nequaquam enim hanc vitam tam constanter expenderent, nisi esse alteram incomparabiliter beatiorum perfectam definitionem sentirent. In sanctis itaque præconibus veritatis, resurrectionis auctoritas est.

Prompti enim pereunt in melius reparandi, quibus per angustias tribulationum aperitur exitus ad amplitudinem gaudiorum.

In tertio Nocturno. Homilia in Evangelium. Si quis vult post me venire, de Communi unius Martyris. Ad Benedictus, Antiphona.

Corona fulgens aurea flos dignitatis Regiæ, sanctæ Ericus ignea vicit tela nequitæ, sic victor vernans laurea, Rex & Patronus Sueciæ, felix de domo lucea transiit ad Regnum gloriæ.

In secundis Vesperis, Ad Magnificat, Antiphona.

Miles Regis gloriæ, tutor innocentium, malleus perfidæ, Rex Ericæ brævium apprehendens, in agone ense casum hostium, nobis placet Martyr bone Jesum Dei Filium.

FESTA FEBRUARII.

DIE I. FEBRUARII.

In festo sanctæ Brigidæ Virginis, P. R. P. Duplex.

Omnia de Communi præter sequentia. Oratio.

Omnipotens sempiternus Deus, qui es sanctarum gloria virginum, clementiam tuam supplices exoramus, ut per merita beatæ virginis tuæ Brigidæ, opportunum tuæ pietatis auxilium sentiamus. Per Dominum.

In primo Nocturno, Lectiones de scriptura occurrunt.

In secundo Nocturno.

Lectio iv.

Sancta Brigida in magna veneratione habetur in Scotia. Hæc ab ipso pueritæ ævo omni tempore in devotione, sanctitate & castitate Deo servire studuit, tan-

tantam quoque gratiam à Deo consecuta; ut per eam multa signa & miracula fierent. Cumque de manu cuiusdam Episcopi velamen more monialium susceperet super caput suum, ipsa inclinans se ad pedes altaris, lignum, quod erat altari adaptatum ab antiquo, manu sua tetigit, & statim viride factum & in perpetuum viride mansit, & imputribile; tantæque pietatis fuit sancta Brigida, ut quidquid habere poterat, pauperibus tribueret. Quadam autem vice puer, quidam leprosus ad eam venit, petens aliquod beneficium ab ipsa; quæ dixit: Vis ut adoremus Deum, & cures à lepra? Respondit ille: hoc mihi acceptius est omni munere. Tunc Virgo sancta benedixit aquam, eadem aqua caput leprosi aspersit, & statim mundatus est, & gratias egit Deo, & transiit ad sanctam Brigidam serviens ei quamdiu vixit.

Lectio 7.

Quodam tempore vidit quemdam miserum duci ad damnationem; & condoluit ei tantum, ut pro liberatione ipsius oraret Deum. Factæque oratione auri massam in sinu suo reperit, deditque iudici, ut reum dimitteret, & sic ille à morte liberatus est. Iterum quodam tempore Brigida sancta, & quædam altera puella sancta convenientes, totam noctem colloquiis deduxerunt, & tenebras noctis omnino non senserunt. Puella illa rogabat sanctam Brigidam, ut be-

P. H.

nedictionem faceret super oculis ejus, ut videre posset: erat enim cæca & nunquam viderat. Tunc sancta Brigida benedixit oculis ejus, & aperti sunt. Puella vero circumspiciens, modicum dixit sanctæ Brigidæ: Rogo te, iterum occlude oculos meos, ne amplius videam mundum; quanto enim homo minus videt mundum, tanto clarius videre potest Deum. Tunc sancta Brigida fecit, ut iterum occluderentur oculi ejus, sicut ipsa petebat.

Lectio 8.

Cum die quadam messores ejus legerem in agro colligerent, & pluvia maxima erumperet, à messoribus suis imbrem sedavit, circumstantibusque agris pluvia madefactis, sola hujus area sicca permansit. Die quadam dum oves pasceret, imbre cadente pannos perfusa domum rediit, & vestes madefactas super solis radium, qui per rimas intrabat siccandos extendit, quæ quasi in solida pertica diutius permanserunt. Aquam in cerevisiam, & lapidem in salem convertit: & à nativitate cæcum illuminavit. Cum novem viri in mortem unius conspirassent, & eos Virgo Christi ab intento pessimo revocare non posset, oravit ad Dominum, ut nequaquam ipsorum voto resisteret. Egressis autem illis apparuit imago quædam quasi illius hominis occidendi, quam illi gladiis percutientes, hominemque peremisse putantes læti reversi sunt. Sed dum, quod

B

illis

illis contigerat, cognoverunt, compuncti ad pedes Virginis prociderunt, & poenitentiam egerunt. Sicque sancta Virgo multis clarens virtutibus quievit in pace Kalendis Februarii.

In tertio Nocturno Homil. in Evangelium. Simile erit regnum coelorum decem Virginibus. **utin Communi Virginum.**

DIE IV. FEBRUARII.

In festo sancti Ansgarii Episcopi & Confessoris.
Duplex.

Ad Vesperas, Antiphona.
Ecce sacerdos magnus, cum reliquis de Communi Confessoris Pontificis.
Hymnus.

Ansuari Pater optime,
Errantes nos in devio
Reductuo juvamine,
Servans in Christi gremio.
Danis & Suecis gratia
Donum fidemque prædicans;
Fugil fortis in acie
Gentes Deo sanctificans.
Notam facis incredulis
Doctrinam Evangelicam,
Lucem ministrans populis
Ducis in viam cœlicam.
Onus pastor viriliter
Gregem pascis Dominicum,
Informans, ut veraciter
Christum colat magnificum.
Prædens talenta gratia
Cum lucris magnitudine
Adducis Regi gloria
In pacis pulchritudine.
Deo Patri sit gloria,
Ejusque soli Filio,
Cum Spiritu paraclyto,
In sempiterna sæcula. Amen.
Amavit eum Dominus, &
ornavit eum.
Stolam gloria induit
eum.

Ad Magnificat, Antiphona.
Ludovicus Imperator dirigit
Ansgarium, ut sit Suecis Le-
gislator: docens Evange-
lium, cœli spargit ex the-
sauro veritatis gratiam, ex
doctrina profert auro fidei
constantiam.

Oratio.

Exaudi, quæsumus Do-
mine, preces nostras,
quas in beati Ansgarii Con-
fessoris tui atque Pontificis
solemnitate deferimus, &
qui tibi digne meruit famu-
lari, ejus intercedentibus
meritis ab omnibus nos ab-
solve peccatis. Per Domi-
num.

**In primo Nocturno, Le-
ctiones de scriptura occurrunt.**
In secundo Nocturno.

Leccio iv.

Religiosa beati Ansgarii
Galli, primi Suecorum
& Gothorum Apostoli san-
ctitas, ab ineunte coepit
statim crescere ætate. Nam
vix pueriles annos egressus,
superna visitatione per quie-
tem monitus, ut mundi
illecebras contemneret, mox
in monasterio Corbejensi,
sancti Benedicti Regulam
professus, totum se in Dei
amorem transfudit, assidue
orationi, vigiliis, & ab-
stinentiæ deditus. Cum
autem ad Ludovicum Caroli
Magni filium Imperatorem,
primo ejus Imperii anno,
Legati à Rege Suecorum
Biorne secundo venissent,
qui Christianæ fidei Docto-
res in Sueciam mitti pete-
bant, beatus Ansgarius,
instante Imperatore, onus
prædicandi Evangelium per
Aquilonaria Regna libenti
animo suscepit, statimque
Regis

Regis Legatos comitatus, ad Regem Biornem in Birca civitate tunc maxima agentem ; cum Vithmaro & aliis sociis venit.

Lectio v.

AD cujus prædicationem multi Suecorum crediderunt in Christum, & baptizati sunt. Inter hos Præfectus Regis inclutus Heringarius ; qui veluti alter Sebastianus, tantum in suscepta fide floruit, ut in æde sua, quam in Ecclesiam consecrari fecerat, Christo assidue serviens, eumque prædicans, miraculorum etiam gloria illustraretur. Suecis ad fidem conversis & baptizatis, multisque apud illos Ecclesiis constructis, Ansgarius ad Danos deinde se contulit, cum regnaret in Dania Ericus cognomento impius ; ubi etiam Evangelium prædicans, de impio tyranno pium Christi ministrum effecit. Porro cum messem esse multam, nec se huic tanto labori solum sufficere posse, destinavit suo loco in Sueciam sanctissimum virum Simonem Episcopum, & Nitardum venerabilem Presbyterum : qui Christianam doctrinam induratis hominibus prædicantes, gravissimas persecutiones sustinuerunt, & ad extremum glorioso martyrio vitam suam feliciter consummaverunt. Ipse vero Hamburgensem Episcopatum, postea Bremensem Archiepiscopatum administravit, probante id Gregorio Papa Quarto Apostolica auctoritate, & Pallii concessione ; confirmante

vero Nicolao Romano Pontifice, qui ipsum ac successores Legatos & Vicarios Apostolica Sedis constituit.

Lectio vi.

Hujus Pontificis tanta erat sanctitas, ut eam Reges honorarent, Pastores Ecclesiarum magna veneratione colerent, Clerus admiraretur, populus imitaretur universus. Miraculorum quoque gratia singularis ad gloriam Domini nostri Jesu Christi, & confirmationem fidei inter Gentes eidem à Deo collata fuit. Nam orationibus suis, & olei sacri inunctione, plurimos à diversis morbis & languoribus sanabat. Unde certatim ad eum confluebant infirmi medicinam petentes, & sanitatem integram recipientes. Tandem ætate & laboribus fatigatus, anno ætatis suæ sexagesimo quarto gravi corporis infirmitate per quatuor & amplius menses plus solito laborare coepit. Qua licet sic attritus & consumptus esset, ut pene jam de corpore nihil præter nervos & ossa remaneret, nihilominus tamen in Dei laudibus perseverans, invictum ab oratione animum non relaxabat, sicque oculis in cælum intentus, cum sedisset annos triginta quatuor, spiritum in manus æterni Patris tradidit, anno Redemptoris octingentesimo sexagesimo quinto. Cujus res præclare gestas Wembertus ejus Diaconus scripsit, & ipse sanctitate conspicuus ejus in sede successor.

29 In tertio Nocturno.

Lectio sancti Evangelii secundum Mattheum.
Lectio vii. Cap. 25.

In illo tempore : Dixit Jesus discipulis suis parabolam hanc : Homo peregre proficiscens , vocavit servos suos , & tradidit illis bona sua . Et reliqua .

Homilia sancti Gregorii
 Papæ.

Homilia 6.

Talenti nomine cuilibet pauperi etiam hoc ipsum deputabitur , quod vel minimum accepit . Alius namque accepit intelligentiam ; prædicationis ministerium debet ex talento : alius terrenam substantiam accepit ; erogationem talenti habet ex rebus ; alius nec intelligentiam internorum , nec rerum affluentiam accepit , sed tamen didicit artem qua pascitur , ipsa ars ei in talenti acceptionem reputabitur : alius nihil horum adeptus est , sed tamen fortasse locum familiaritatis apud divitem meruit ; talentum profecto familiaritatis accepit : si ergo nil pro indigentibus loquitur , pro talenti retentione damnatur .

✠. Posuit os tuum Dominus , quasi gladium acutum , in umbra manus suæ protexit te , ✠ Et posuit te quasi sagittam electam .

✠. Ansgari , servus meus es tu , quia in te gloriabor . Et posuit te . **Lectio viii.**

Habens igitur intellectum , curet omnino , ne taceat . Habens rerum affluentiam , vigilet , ne à misericordia largitate torpescat . Habens artem qua tegitur , magnope-

re studeat , ut usum atque utilitatem illius cum proximo partiatur . Habens alloquendi locum apud divitem , damnationem pro retento talento timeat , si cum valet , non apud eum pro pauperibus intercedat . Tantum quippe ab unoquoque nostrum venturus iudex exiget , quantum dedit . Ut ergo de talenti sui rationibus , redeunte Dño , quisque securus sit , cum timore penset quotidie , quod accepit . Ecce namque iam juxta est , ut ille , qui peregre profectus est , redeat . Quasi peregre quoque abiit , qui de hac terra , in qua natus est , longe discessit . Sed profecto revertitur , ut de talentis rationes ponat : quia si à bona actione torpescimus , de ipsius bonis , quæ contrulit , nos districtius judicat .

✠. Ansgari , dedi te in lucem Gentium , ut sis salus mea usque ad extremum terræ :

✠ Reges videbunt , & consurgent Principes , & adorabunt Dominum .

✠. Ego elegi te , ut eas , & fructum afferas , & fructus tuus maneat . Reges videbunt .

Gloria Patri . Reges videbunt .

Lectio ix.

Consideremus igitur , quæ accepimus , atque in eorum erogatione vigilemus . Nulla nos à spirituali opere cura impediatur : ne , si in terra talentum absconditur , talenti Dominus ad iracundiam provocetur . Piger etenim servus , cum iudex culpas examinat , talentum de terra levat . Quia si plerique , qui tunc se à terrenis defi-

desideriis vel operibus subtrahunt, quando jam per animadversionem iudicis, ad æternum supplicium trahuntur. Ante ergo de talenti nostri ponenda ratione vigilemus, ut cum jam iudex ad feriendum imminet, lucrum nos quod fecimus, excuset.

Te Deum laudamus.

Ad Benedictus, Antiphona.

Languidorum multitudo tuis sanctis precibus surgit sana, fortitudo datur debilibus, infirmantes apportantur ex diversis partibus, omnes Christum confitentur restitutis viribus.

In secundis, Vesperis, ad Magnificat, Antiphona.

In extremo terræ sita Suediorum regio, in errorum forde trita traditur Ansgario; per doctrinam ut polita fiat habitatio Christi, qui est lux & vitæ summa perfectio.

DIE VI. FEBRUARII.

In festo S. Dorotheæ Virginis & Martyris. Duplex.

Oratio. Indulgentiam, ut in Comuni.

In primo Nocturno, Lectiones de Script. occurr.

In secundo Nocturno.

Lectio iv.

Dorothea Virgo, ut in Brev. **Lectio v. & vi. de Comuni in primo ordine.** Quoniam hodie.

In tertio Nocturno. Homilia in Evangelium. Simile est regnum cælorum thesauris de Virg.

DIE IX. FEBRUARII.

In festo sanctæ Apollinæ Virginis & Mart. P. R. Duplex.

Oratio. Deus, qui inter

In primo Nocturno, Lectiones de Script. occurr.

Sed in Quadragesima:

Confitebor tibi Domine

Rex. de Comuni.

In secundo Nocturno.

Lectio iv.

A Pollonia virgo Alexandra sub Decio Imperatore cum ingravescente jam ætate ad idola sisteretur, ut eis venerationem adhiberet, illis contemptis Jesum Christum verum Deum colendum esse prædicabat. Quamobrem omnes ei contusi sunt & evulsi dentes, ac nisi Christum detestata, deos coleret, accenso rogo combusturos vivam minati sunt impii carnifices. Quibus illa se quamvis mortem, pro Jesu Christi fide subituram respondit.

Lectio v.

Itaque comprehensa ut combureretur, cum paulisper quasi deliberans, quid agendum esset, stetit, ex illorum manibus elapsa, alacris in ignem sibi paratum, majori Spiritus Sancti flamma, intus accensa, se injectit. Unde brevi consumpto corpore purissimus spiritus in cælum ad sempiternam martyrii coronam evolavit.

Ex Sermone S. Augustini Episcopi.

De Virg. cap. 2.

Lectio vi.

Cum universa Ecclesia virgo sit desponsata uni viro Christo, sicut dicit Apostolus, quanto digna sunt honore membra ejus, quæ hoc custodiunt in fide, quæ imitatur Matrem viri

Festa Februarii.

21
Domini sui ? Nam Ecclesia quoque Virgo & Mater est : cuius enim integritati consulumus , si virgo non est ? aut cuius prolem alloquimur , si Mater non est ? Maria corporaliter caput huius corporis peperit , Ecclesia spiritualiter membra illius capitis parit . In utraque virginitas fecunditatem non impedit , in utraque fecunditas virginitatem non adimit.

In tertio Nocturno. Hymnia in Evangelium. Simile est regnum coelorum decem Virg. **ut in Communi.**

DIE XXIV. FEBRUARII.

In festo sancti Sigfridi Episcopi & Confessoris.

Duplex. **Ad Vesperas, Antiphona.** Ecce sacerdos magnus. cum reliquis de **Communi Conf. Pontificis.**

Hymnus.
Sigfridi almi Praefulis ,
Odas solvamus carminis ,
Qui Suecis verbo dogmatis
Dona fudit Baptismatis .
Ut jubar sui luminis
Gemma fundit in tenebris ,
Sic cultu sancti Numinis
Praeful fulsit hic celebris .
Hic Anglicus natalibus
Procreatus nobilibus :
Testatur id pro sapia
Anglorum Regum Regia .
Hic Anglicus Angelicus ,
Qui missus nobis coelitus ,
Nos jungat suis precibus
Angelorum apicibus .
Pro Patri sit gloria ,
Ejusque soli Filio ,
Cum Spiritu Paraclyto ,
Nunc , & per omne saeculum .
Amen .
Amavit eum Dominus ,
& ornavit eum .

Stolam gloria induit eum.

Ad Magnificat, Antiphona.
In hymnis & confessionibus magnificemus Dominum , qui fidei gratia sanctum Sigfridum evocavit ab Anglia , cuius doctrina aurea Sueonum resplenduit Ecclesia ; per ipsius merita pia , semper ad Deum inveniamus auxilia .

Oratio.

Deus , qui beatum Sigfridum Confessorem tuum , Evangelicae praedicationis gratia sublimasti : presta quaesumus ; ut & doctrina ejus erudiamur , & precibus adjuvemur . Per Dominum .

In primo Nocturno, Lectiones de Scriptura occurrente.

In secundo Nocturno. Ex Annalibus Sueciciae.

Leccio iv.

Mortuo beato Ansgario , cum Suecia ad cultum idolorum relapsa , in pristinis errorum tenebris per multos annos versaretur , Olaus Skothkonung dictus , Sueonum & Gothorum Rex Christianae religionis studio incensus , per Legatos apud Anglorum Regem egit , ut viros aliquos pios , & Christiana lege eruditos ad se mittendos curaret . Qui congregato Episcoporum & Sacerdotum concilio , piam Sueonum Regis postulationem ipsis aperuit , hortatusque est , ut ex suo ordine aliquos deligerent , qui labores , pericula , ac mortem etiam pro Christi gloria sustinere vellent . Tunc beatus Sigfridus Episcopus Anglus , vir genere regio , doct-

doctrina, & auctoritate illustris, videns ex triduo colloquio, nullos vel certe paucos repertos fuisse, qui se vellent tanto periculo committere, ipse sponte se ad eam peregrinationem obtulit.

¶ Inveni David.

Legio 7.

Itaque venerabilis Pontifex Sigfridus, relicta patria, superatis longissimis & periculosissimis maris itineribus, cum tribus nepotibus suis, & beato Achilo consanguineo suo, circa annum Domini millesimum pervenit in Gothiam, ubi nunc Vexionensis Ecclesia cernitur. Quo in loco, cum sub papilionibus sacrificium offerret, à Præfeto Regio in elevatione hostiæ puerum visus est elevasse. De cuius adventu & miraculis, quam primum Rex ab eodem Præfeto rescivit, obviam processit adventanti, atque viro Dei verbum salutis prædicanti, credidit ipse & omnis populus. Dum instituendis Ecclesiis occuparetur, audit cum magno animi dolore tres nepotes suos, quibus Ecclesiam Vexionensem commiserat, occisos, spoliatos, & abscissis capitibus in stagnum projectos esse. De quibus interfecto-ribus Rex dignum supplicium sumere voluit; sed benignissimus Pontifex, ne occiderentur, orabat; de sursum omnem consolationem expectans.

¶ Posui adjutorium.

Legio vi.

Nec Deus Sancto suo in tanto dolore laboranti

defuit. Cum enim quadam nocte circa stagnum Vexionensi Ecclesiæ contiguum orans inambulet, vidit à longe tria lumina per aquas ad se deferri: quorum indicio urnam, in qua capita charissimorum nepotum projecta erant, in aquis invenit: quæ adhuc roseo cruore perfusa aspiciens, dixit: Vindicet Deus. Cui mox ex capitibus unum respondit: Vindicabit. Alterum dixit: Quando? Tertium subjunxit: In filios filiorum. Quod illa interfectorum familiæ in hanc usque diem re ipsa experiuntur. Non tamen propterea sanctus Christi Confessor animum à Christi fide propaganda, & ejus sancto Evangelio annuntian- do remisit. Tandem post longos labores, & continua sanctissimæ vitæ studia, plenus dierum ad Deum, cui fideliter servierat, migravit. Sepultus in Ecclesia Vexionensi, quam ipse Angelica visione monitus erigendam curaverat; multisque miraculis clarus, in Sanctorum numerum relatus est.

¶. Ille est.

In tertio Nocturno.

Lectio sancti Evangelii secundum Matthæum.

Legio vii.

Cap. 25.

In illo tempore: Dixit Jesus discipulis suis parabolam hanc: Homo peregre proficiscens, vocavit servos suos, & tradidit illis bona sua. Et reliqua.

Homilia sancti Joannis Chrysostomi.

Ex Homil. 96. in Matth.

Talenta hic pro eo, quod Tunusquisque facere potest,

est, accipimus, five auctoritate protegere, five pecuniis juvare, five doctrina admonere, five alia quapian re proximis prodesse queas. Nemo secum dicat: Cum unum talentum habeam, nil possum efficere: potes profecto ex qua re sola comprobari. Non es pauperior illa vidua, non es Petro atque Joanne rusticior: qui quamvis rudes simul atque illitterati fuerint, quoniam magno studio communem utilitatem complexi fuerant, cœlorum Principes facti sunt. Quippe nulla res Deo gratior est, quam ut universam vitam ad commune commodum conferas.

¶ O charitas, veneranda, qua ferves Christi athleta.

¶ Dum hostibus potes veniam, regnique cœlestis gloriam.

¶ Fide plenus & merito, gregem commenda Domino. Dum hostibus.

Lectio viii.

Idcirco ratione atque oratione nos Deus decoravit. mentem & ingenium concessit, manus, pedes, vires corporis dedit, ut his omnibus, & nos ipsos & proximos tuteamur: non enim ad agendas gratias solummodo confert oratio, verum etiam ad docendum & admonendum perutilis est. Qua in re si ea diligenter utemur, Dominum; si vero in contrariis, diabolum imitabimur. Nam & Petrus, quandoquidem Christum confitebatur, quasi ea dicens, quæ Patris sunt, beatificabatur; quod autem crucem horrebat atque re-

pellebat, quasi ea, quæ diaboli sunt, sapiens, acriter increpabatur. Si ergo ignorantie crucem recusando, reprehensus est, quam nos sponte peccantes veniam impetrabimus?

¶ Immenso Salvatoris amore fervebas, o Sigfride, dum patriam pro ejus affectu reliquisti atque mundi gloriam, ideo audire meruisti: Posside regnum tibi paratum ab origine mundi.

¶ Quid mihi est in cœlo, & a te quid volui super terram? Veni benedicte Patris mei. Posside.

Gloria Patri. Posside.

Lectio ix.

EA ergo loquamur, quæ Christi verba esse confestim cognoscuntur. Nec enim cum dixero, Surge & ambula: neque cum dixerō, Tabitha surge; tunc solum Christi verba loquor; verum etiam multo magis, si contumeliis agitur benedixerō; si oppressus injuria, pro opprimentibus orabo. Sic ille contumeliantibus responderebat, dicens: Ego demonium non habeo. Erratus: si male locutus sum, testimonium perhibe de malo. Si hoc pacto tu quoque respondes, si ad emendationem proximi loqueris, linguæ illi lingua tua simillima est. Hæc non ego, sed Deus confirmat: Qui separaverit pretiosum à vili, is quasi os meum erit. Cum igitur lingua, tua sit Christi, & os tuum Patris fiat, & sancti Spiritus templum sis: quis honor, quod decus majus hoc excogitari poterit? Non si ex auro os tibi

tibi conficeretur, non si
gemmis construeretur, ita
præfulgeret, ut tunc hoc
humilitatis ornatu resplen-

deret.

Te Deum laudamus.

A D L A U D E S,

& per Horas, Ant.

Ecce sacerdos. cum reliquis
ut in Communi.

Hymnus.

Ignitus sancto Flamine,
Et Dei tactus fulmine,
Sigfridus, gentem patriam
Postponens, adit Sueciam.

Illic Regem cum populo
Potatum fraudis poculo
Invenit, & condoluit,
Quod hæc gens deos coluit.

Mox unum Deum prædicat,
Regi sic fatur & indicat:
Salvus erit, qui crediderit,
Baptizatusque fuerit.

Rigatus verbo fidei,
Olavus fit cultor Dei,
Cor præbens sancto dog-
mati,

Collum subdit baptismati.
Sigfridus dictus signifer,

Et Dei verus armiger
Hostem stravit nequitia,
Gentem baptizans Suecia.
Deo Patri sit gloria,
Ejusque soli Filio,
Cum Spiritu Paraclyto,
In sempiterna sæcula,
Amen.

V. Justum deduxit Dominus
per vias rectas.

R. Et ostendit illi regnū Dei.

Ad Benedictus, Antiphona.

Celebremus, charissimi,
devote recolendo annua
beati Sigfridi solemniam,
cujus sacra hodie anima
felix cœli scandit fastigia,
cui Angelica occurrens eu-
ria, eum gaudens suscepit
cum gloria.

In secundis Vesperis,
Ad Magnificat, Antiphona.

In signis, & virtutibus
hostem supplantat Sigfri-
dus, dum tibi fide Gentium
catervam sociat: nunc quia
tecum regnat, Jesu Christe,
nos ipsius per merita tua
salvet gratia.

Finis Partis Hiemalis.





Absender: **Adolph Winter, Stettin, Oberwiek 73.**



Hochwürden Herrn

Hoch. Borkowski

Hronland:

Ort:

Bi'elany

Oesterreich.

Post:

Post in Stettin

Abraham Adolph Winter, Stettin, Oberwick 73.



Stettin 1873

Postamt
Stettin

pin

Augustus

die cum Ep. Vultus cor aium, et cadent. M. 9. 2. loc. 6. 8

in cui:
tes, ep.
rumena
ner de
rem mo
decer
muctis
barid
mifer
tione
legare
isque
are di
piliat
timatus

Strongi i. 10. 10

X. II. 34



981347 Bibliotheca 400,-
P.P. Camaldulensium in Bielany

Depozyt w Bibliotece Jagiellońskiej



07937

Dies 10th

Augustus

13. 3. *S. Dominici. C. Dr. c. alb. d. a. ex. Hui. L. 17. Festus.*

Dies 11th

Augustus

Præf. B. M. V. Et. Te. in. Assumptione. p. to.

Augustus

